



Broj: 01/04-05-4984/18
Sarajevo, 21.09.2018. godine

GRADSKO VIJEĆE GRADA SARAJEVA
N/r Igor dr. Gavrić, predsjedavajući

Predmet: Prijedlog izmjena i dopuna Programa rada Gradskog vijeća Grada Sarajeva za 2018. godinu, dostavlja se

Poštovani dr. Gavrić,

Dostavljam Vam Prijedlog izmjena i dopuna Programa rada Gradskog vijeća Grada Sarajeva za 2018. godinu, kako slijedi:

Poglavlje 3. Opća uprava

Tačka **1.** Prijedlog Odluke o izmjenama i dopunama Odluke o upotrebi grba, imena i isticanju zastave Grada Sarajeva **se briše.**

Obrazloženje:

Zakonom o privrednim društvima („Službene novine FBiH“, broj 81/15) propisano je da firma može sadržavati naziv kantona, grada i općine i njihove izvedenice i skraćenicice samo na osnovu odobrenja nadležnog kantonalnog, gradskog, odnosno općinskog organa određenog posebnim zakonom na području na kojem društvo ima sjedište, dok je Zakonom o udruženjima i fondacijama („Službene novine Kantona Sarajevo“, broj 34/08 - prečišteni tekst) propisano da se u naziv udruženja odnosno fondacije ne može unositi naziv grada i općine - bez odobrenja gradonačelnika odnosno općinskog načelnika.

Obzirom da je Odukom o upotrebi grba, imena i isticanju zastave Grada Sarajeva („Službene novine Kantona Sarajevo“, br. 5/06 - prečišćeni tekst i 33/07) na sveobuhvatan i cjelovit način regulisana upotreba grba, imena i isticanje zastave Grada Sarajeva, navedenu odluku nije potrebno mijenjati.

Dodaje se nova tačka, i glasi:

Prijedlog Odluke o izmjenama i dopunama Odluke o organizaciji i djelokrugu organa uprave Grada Sarajeva

Predlagač: Gradonačelnik

Obradivač: Gradska služba za opću upravu i zajedničke poslove

Rok: **decembar**

Obrazloženje:

Radi potrebe da se na što efikasniji i kvalitetniji način organizuje rad jedinstvenog gradskog organa uprave, kao i postupi po Zapisniku upravnog inspektora broj: 03-04-05-8119/17-1 od 09.07.2018. godine o izvršenom inspeksijskom nadzoru, potrebno je pristupiti donošenju izmjena i dopuna važeće Odluke.



Dodaje se nova tačka, i glasi:

Prijedlog Odluke o davanju saglasnosti na Prijedlog Programa obuke i osposobljavanja spasilaca na vodi na uređenim kupalištima

Predlagač: Gradonačelnik

Obradivač: Gradska služba za opću upravu i zajedničke poslove

Rok: **mart**

Dodaje se nova tačka, i glasi:

Prijedlog Odluke o davanju imena gornjoj stanici „Trebevičke žičare“ Ramo Biber

Prijedlog: Gradonačelnik

Obradivač: Gradska služba za opću upravu i zajedničke poslove

Rok: **mart**

Dodaje se nova tačka, i glasi:

Prijedlog Odluke o davanju ovlaštenja za vršenje dužnosti predsjednika i članova Skupštine Javnog preduzeća „Olimpijski bazen Otoka“ d.o.o. Sarajevo, na period od tri mjeseca

Prijedlog: Gradonačelnik

Obradivač: Gradska služba za opću upravu i zajedničke poslove

Rok: **april**

Dodaje se nova tačka, i glasi:

Prijedlog Odluke o izmjeni Odluke o imenovanju i davanju ovlaštenja za vršenje funkcije predsjednika i članova Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „SARAJEVO“ društvo sa ograničenom odgovornošću (JP „Sarajevo“ d.o.o.)

Prijedlog: Gradonačelnik

Obradivač: Gradska služba za opću upravu i zajedničke poslove

Rok: **april**

Dodaje se nova tačka, i glasi:

Prijedlog Odluke o izmjenama i dopuni Kalendara obilježavanja datuma i događaja značajnih za Grad Sarajevo

Prijedlog: Gradonačelnik

Obradivač: Gradska služba za opću upravu i zajedničke poslove

Rok: **maj**

Dodaje se nova tačka, i glasi:

Prijedlog Odluke o prestanku rada Fondacije ARS AEVI Sarajevo

Prijedlog: Gradonačelnik

Obradivač: Gradska služba za opću upravu i zajedničke poslove

Rok: **juni**

Dodaje se nova tačka, i glasi:

Prijedlog Odluke o davanju saglasnosti na Nagodbu u pravnoj stvari tužitelja City Mark Plus d.o.o. Sarajevo protiv tuženog Grada Sarajeva

Prijedlog: Gradonačelnik

Obradivač: Pravobranilaštvo Grada Sarajeva

Rok: **juli**

Dodaje se nova tačka, i glasi:

Prijedlog Odluke o davanju imena česmi u općini Stari Grad, ulica Terzibašina 1, Hatidža Mehmedović

Prijedlog: Gradonačelnik

Obradivač: Gradska služba za opću upravu i zajedničke poslove

Rok: **juli**

Poglavlje 4. Urbano planiranje i upotrebu lokalnog zemljišta

U tački 6. Prijedlog Odluke o usvajanju Regulacionog plana „Alfakovac - Babića bašča“ sa Odlukom o provođenju Regulacionog plana „Alfakovac - Babića bašča“, mijenja se rok, **i glasi : februar.**

U tački 7. Prijedlog Odluke o usvajanju Regulacionog plana „Vraca“ sa Odlukom o provođenju Regulacionog plana „Vraca“, mijenja se rok, **i glasi: septembar.**

U tački 8. Prijedlog Odluke o pristupanju izradi izmjena i dopuna Regulacionog plana „Kvadrant C1 - Marijin Dvor“, mijenja se rok, **i glasi: april.**

U tački 10. Prijedlog Odluke o usvajanju Regulacionog plana „Rajlovac III“ sa Odlukom o provođenju Regulacionog plana „Rajlovac III“, mijenja se rok, **i glasi: juli.**

U tački 11. Prijedlog Elaborata o postavljanju reklamnih panoa i drugih sadržaja uz uređena korita vodotoka iz nadležnosti Grada Sarajeva, mijenja se rok **i glasi: po prijedlog Gradonačelnika.**

Obrazloženje:

Elaborat će biti razmatran na sjednici Gradskog vijeća kada se za to steknu uslovi.

U tački 12. Nacrt Odluke o usvajanju Regulacionog plana „Reljevo“ sa Odlukom o provođenju Regulacionog plana „Reljevo“, mijenja se rok, **i glasi: novembar/decembar.**

Obrazloženje:

Grad Sarajevo će organizovati sastanak subjekata planiranja u vezi dostavljenog mišljenja JP Autoceste FBiH na Osnovnu koncepciju Plana.

Tačka 13. Prijedlog Elaborata o izradi slobodnostojećih reklamnih panoa i slobodnostojećih displeja na javnim površinama **se briše.**

Obrazloženje:

U toku je usaglašavanje Elaborata sa Direkcijom za ceste Kantona Sarajevo i gradskim općinama.

Tačka 14. Nacrt Odluke o usvajanju Regulacionog plana „Brdo Hrasno“ sa Odlukom o provođenju Regulacionog plana „Brdo Hrasno“ **se briše.**

Obrazloženje:

Zavod će do kraja mjeseca isporučiti Osnovnu koncepciju Plana u cilju organizovanja javne tribine.

U tački 15. Nacrt Odluke o usvajanju Regulacionog plana „Kvadrant C - Marijin Dvor“ sa Odlukom o provođenju Regulacionog plana „Kvadrant C - Marijin Dvor“, mijenja se rok, **i glasi: decembar.**

Obrazloženje:

Potrebno je održati sastanak Načelnika i Gradonačelnika u vezi predložene dvije varijante Osnovne

konceptije Plana, kako bi se organizovala javna tribina.

Tačka 16. Prijedlog Odluke o usvajanju Regulacionog plana „Švrakino selo - Aneks“ sa Odlukom o provođenju Regulacionog plana „Švrakino selo - Aneks“ **se briše.**

Obrazloženje:

U cilju nastavka sumiranja primjedbi sa javne rasprave, Zavod će dostaviti kartu saobraćajnog rješenja (Južna longitudinala), za koje je neophodno organizovanje sastanka sa javnim kumunalnim preduzećima.

Tačka 17. Nacrt Odluke o usvajanju Regulacionog plana „Kvadrant C1 - Marijin Dvor“ sa Odlukom o provođenju Regulacionog plana „Kvadrant C1 - Marijin Dvor“ **se briše.**

Obrazloženje:

Zavod još nije dobio ažurnu geodetsku podlogu od strane Općine (putem Investitora). Potrebno je uraditi Osnovnu koncepciju Plana i organizovati javnu tribinu.

U tački 18. Nacrt Odluke o usvajanju Regulacionog plana „Švrakino selo Mlakve“ sa Odlukom o provođenju Regulacionog plana „Švrakino selo Mlakve“, mijenja se rok **i glasi: decembar.**

Obrazloženje:

U cilju nastavka sumiranja primjedbi sa javne rasprave, Zavod će dostaviti kartu saobraćajnog rješenja (Južna longitudinala), za koje je neophodno organizovanje sastanka sa javnim komunalnim preduzećima.

Tačka 19. Nacrt Odluke o usvajanju Regulacionog plana „Centar Novo Sarajevo“ sa Odlukom o provođenju Regulacionog plana „Centar Novo Sarajevo“ **se briše.**

Obrazloženje:

U toku je usaglašavanje stavova Grada, Općine i Zavoda u vezi izrade urbanističkog rješenja za lokalitet Vaso Miskin Crni.

Tačka 20. Nacrt Odluke o usvajanju Regulacionog plana „Halilović I“ sa Odlukom o provođenju Regulacionog plana „Halilović I“ **se briše.**

Obrazloženje:

U toku je izrada osnovnih koncepcija 5 planova, koji će Zavod isporučiti do kraja septembra.

Tačka 21. Nacrt Odluke o usvajanju Regulacionog plana „Alipašin most V“ sa Odlukom o provođenju Regulacionog plana „Alipašin most V“ **se briše.**

U toku je izrada osnovnih koncepcija 5 planova, koji će Zavod isporučiti do kraja septembra.

Tačka 22. Nacrt Odluke o usvajanju Regulacionog plana „Alipašin most VI“ sa Odlukom o provođenju Regulacionog plana „Alipašin most VI“ **se briše**

U toku je izrada osnovnih koncepcija 5 planova, koji će Zavod isporučiti do kraja septembra.

Tačka 23. Nacrt Odluke o usvajanju Regulacionog plana „Alipašin most I“ sa Odlukom o provođenju Regulacionog plana „Alipašin most I“ **se briše**

U toku je izrada osnovnih koncepcija 5 planova, koji će Zavod isporučiti do kraja septembra.

Tačka 24. Nacrt Odluke o usvajanju Regulacionog plana „RTV“ sa Odlukom o provođenju Regulacionog plana „RTV“ **se briše.**

Obrazloženje:

U toku je izrada osnovnih koncepcija 5 planova, koji će Zavod isporučiti do kraja septembra.

Tačka 25. Prijedlog Odluke o usvajanju izmjena i dopuna Regulacionog plana „Hepok Čengiće Vila III“ sa Odlukom o provođenju izmjena i dopuna Regulacionog plana „Hepok Čengiće Vila III“ (skraćeni postupak) **se briše.**

Obrazloženje:

Zavod će korigovati kartu Osnovne koncepcije u skladu sa zaključcima sastanka od 05.09.2018.g. Također, neophodno je organizovanje sastanka sa javnim komunalnim preduzećima u vezi saobraćajnog rješenja (Južna longitudinala)

Tačka 26. Prijedlog Odluke o usvajanju Regulacionog plana „Kvadrant C -Marijin Dvor“ sa Odlukom o provođenju Regulacionog plana „Kvadrant C - Marijin Dvor“ **se briše.**

Obrazloženje:

Potrebno je održati sastanak Načelnika i Gradonačelnika u vezi predložene dvije varijante Osnovne koncepcije Plana, kako bi se organizovala javna tribina.

Tačka 27. Nacrt Odluke o usvajanju Regulacionog plana „Zabrđe“ sa Odlukom o provođenju Regulacionog plana „Zabrđe“ **se briše.**

Obrazloženje:

U toku je izrada Osnovne koncepcije Plana.

Tačka 28. Prijedlog Odluke o usvajanju Regulacionog plana „Brdo Hrasno“ sa Odlukom o provođenju Regulacionog plana „Brdo Hrasno“ **se briše.**

Obrazloženje:

Zavod će do kraja mjeseca isporučiti Osnovnu koncepciju Plana u cilju organizovanja javne tribine

Tačka 29. Prijedlog Elaborata - lokacije za postavljenje kioska **se briše.**

Tačka 30. Prijedlog Elaborata - lokacije za slobodnostojeće otvorene bašte **se briše.**

Dodaju se nove tačke, i glase:

Prijedlog Odluke o izmjenama i dopunama Odluke o pristupanju izradi Regulacionog plana „Reljevo

Predlagač: Gradonačelnik

Obradivač: Gradska služba za urbano planiranje, investicije, stambene i komunalne poslove

Rok: **juli**

Prijedlog Odluke o izmjenama i dopunama Odluke o pristupanju izradi Regulacionog plana „Soukbunar“

Predlagač: Gradonačelnik

Obradivač: Gradska služba za urbano planiranje, investicije, stambene i komunalne poslove

Rok: **april**

Poglavlje 5. Javne službe i infrastruktura

Tačka 4. Informacija o stanju vodosnabdijevanja u Gradu Sarajevu **se briše.**

Obrazloženje:

Grad Sarajevo nema nadležnosti u oblasti vodosnabdijevanja i kao takav ne može biti aktivni učesnik u rješavanju problema vodosnabdijevanja. Priedlog mjera koje bi predložilo Gradsko vijeće Grada Sarajeva ne bi bio obvezujući za nadležne organe.

Tačka 5. Informacija o aktivnostima na realizaciji projekta „Čista Miljacka“ **se briše.**

Obrazloženje:

Tokom 2018. godine Grad Sarajevo nije realizovao aktivnosti obuhvaćene ovim projektom.

U tački 6. Informacija o stanju na području obnove, održavanja i funkcije javnih šadrvana, fontana i drugih javnih česmi na području grada Sarajeva s prijedlogom mjera za poboljšanje stanja, mijena se rok, **i glasi: oktobar**

Tačka 7. Informacija o stanju zbrinjavanja napuštenih pasa u gradu Sarajevu - iskustva i perspektive rješenja problema građana Sarajeva **se briše.**

Obrazloženje:

Predmetna informacija je već ranije razmatrana na sjednicama Gradskog vijeća Grada Sarajeva, održana je i tematska sjednica na ovu temu, ali do sada nije bilo konkretnih rezultata po ovom pitanju, tako da bi eventualna priprema Informacije bilo ponavljanje već rečenog.

Tačka 8. Informacija stanju klizišta u gradu Sarajevu i perspektive rješenja problema građana Sarajeva **se briše.**

Obrazloženje:

Grad Sarajevo nema direktne nadležnosti vezane za klizišta u Gradu Sarajevu. Klizišta na području Kantona Sarajevo sanira Zavod za izgradnju Kantona Sarajevo u saradnji sa općinama tako da bi sadržaj informacije bilo sumiranje odgovora dostavljenih od aktivnih učesnika u ovom postupku.

Tačka 9. Informacija o stanju, dostupnosti i kvaliteti javnog saobraćaja, naročito u rubnim dijelovima gradskih općina **se briše.**

Obrazloženje:

Javni saobraćaj je u nadležnosti Kantona Sarajevo te se predmetna informacija razmatrana sjednicama Skupštine Kantona Sarajevo.

Dodaje se nova tačka, i glasi:

Informacija o mogućnosti realizacije projekta održavanja Formule E u Sarajevu

Predlagač: Gradonačelnik

Obrađivač: Stručna služba Gradonačelnika

Rok: **maj**

Dodaje se nova tačka, i glasi:

Informaciju Gradskom vijeću Grada Sarajeva kao osnivaču JP Sarajevo d.o.o. Sarajevo o mogućnostima preuzimanja obavljanja komunalnih poslova iz nadležnosti Grada Sarajeva

Predlagač: Gradonačelnik

Obrađivač: Stručna služba Gradonačelnika

Rok: **juni**

Poglavlje 6. Gradske finansije

Dodaje se nova tačka, i glasi:

Prijedlog Odluke o izmjeni naziva budžetske pozicije u Budžetu Grada Sarajeva za 2018. godinu

Predlagač: Gradonačelnik

Obrađivač: Gradska služba finansija

Rok: **maj**

Dodaje se nova tačka, i glasi:

Informacija o Dokumentu okvirnog budžeta za period 2019 - 2021

Predlagач: Gradonačelnik

Obrađivač: Gradska služba finansija

Rok: **juni**

Poglavlje 7. Kultura

U tački 3. Izvještaj o realizaciji Programa manifestacije obilježavanja 6. aprila Dana grada Sarajeva u 2018. godini, mijenja se rok, **i glasi: maj**

Dodaje se nova tačka, i glasi:

Prijedlog Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo

Predlagач: Gradonačelnik Grada Sarajeva

Obrađivač: Gradska služba za obrazovanje, kulturu, sport i mlade

Rok: **decembar**

Dodaju se nove tačke, i glase:

Prijedlog Odluke o sufinansiranju kulturne manifestacije od posebnog interesa za Grad Sarajevo „22. Jazz Fest Sarajevo 2018“

Prijedlog Odluke o sufinansiranju kulturne manifestacije od posebnog interesa za Grad Sarajevo „58. Internationalni teatarski festival MESS 2018“

Prijedlog Odluke o sufinansiranju kulturne manifestacije od posebnog interesa za Grad Sarajevo XXXIV Internationalni festival Sarajevo „Sarajevska zima 2018“

Prijedlog Odluke o sufinansiranju kulturne manifestacije od posebnog interesa za Grad Sarajevo “24. Sarajevske večeri muzike SVEM 2018“

Prijedlog Odluke o sufinansiranju kulturne manifestacije od posebnog interesa za Grad Sarajevo 9. “Balet - fest Sarajevo“ 2018.

Predlagач: Gradonačelnik Grada Sarajeva

Obrađivač: Gradska služba za obrazovanje, kulturu, sport i mlade

Rok: **juni**

Sport**Dodaje se nova tačka, i glasi:**

Prijedlog Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo

Predlagач: Gradonačelnik

Obrađivač: Gradska služba za obrazovanje, kulturu, sport i mlade

Rok: **decembar**

Dodaje se nova tačka, i glasi:

Informacija o organizacionim pripremama za EYOF 2019.

Pravni osnov:

Član 74 stav 1. Statuta Grada Sarajeva

Predlagач: Gradonačelnik

Obrađivač: JP EYOF 2019 d.o.o.

Rok: **novembar, decembar**

Obrazloženje:

Programom rada Gradskog vijeća Grada Sarajeva za 2018. godinu su predviđeni izvještaji, s tim što je zadnji za ovu godinu planiran u 10. mjesecu. Obzirom na značaj manifestacije, interes javnosti i samog Gradskog vijeća, proističe potreba da se na mjesečnoj bazi vrši informiranje.

Poglavlje 8. Osnovno i srednje obrazovanje

U tački 1. Prijedlog Odluke o izboru članova Komisije za razmatranje, obradu i analizu pristiglih prijava na javni konkurs za dodeju stipendija učenicima srednjih škola, predstavnika Gradskog vijeća za školsku 2017/2018. godinu, mijenja se rok, **i glasi: januar.**

U tački 4. Izvještaj o realizaciji projekta stipendiranja učenika srednjih škola u školskoj 2017/2018. godini, mijenja se rok, **i glasi: maj**

Dodaje se nova tačka, i glasi:

Prijedlog Programa stipendiranja učenika srednjih škola

Predlagач: Gradonačelnik Grada Sarajeva

Obrađivač: Gradska služba za obrazovanje, kulturu, sport i mlade

Rok: **decembar**

Poglavlju 9. Oblast lokalnog poslovanja

U tački 1. Prijedlog Odluke o proglašenju manifestacija iz oblasti privrede, lokalnog poslovanja i razvoja grada od posebnog interesa za Grad Sarajevo, mijenja se rok, **i glasi: kada se steknu uslovi**

Obrazloženje:

Predlože se da se rok za navedenu Odluku promijeni, te da stoji: „Kad se steknu uslovi“ radi sveobuhvatne pripreme i realizacije Odluke.

Poglavlju 16. Saradnja i udruživanje

U tački 3. Nacrt Programa međunarodne saradnje Grada Sarajeva za 2019. godinu, mijenja se rok, **i glasi: oktobar**

U tački 4. Prijedlog Programa međunarodne saradnje Grada Sarajeva za 2019. godinu, mijenja se rok, **i glasi: decembar**

Obrazloženje za tačke 3 i 4:

Programom rada Gradskog vijeća Grada Sarajeva za 2018. godinu, koji je usvojen na 10. sjednici Gradskog vijeća Grada Sarajeva, broj: 01- GV-02-2003/17 od 20.12.2017. godine, *Nacrt Programa međunarodne saradnje Grada Sarajeva za 2019. godinu*, predviđen je u julu 2018. godine, dok je Programom međunarodne saradnje za 2018. godinu, usvojenim na 12. sjednici Gradskog vijeća Grada Sarajeva, broj: 01-GV-02-286/18 od 28.02.2018., navedeni Nacrt predviđen u oktobru 2018. godine.

Imajući u vidu prethodno navedene neusklađenosti rokova za razmatranje materijala, a radi kvalitetnije pripreme *Nacrta Programa međunarodne saradnje Grada Sarajeva za 2019. godinu*, predlaže se razmatranje navedenih materijala na sjednici Gradskog vijeća Grada Sarajeva koja će održati u oktobru 2018. godine, a

shodno tome *Prijedlog Programa međunarodne saradnje Grada Sarajeva za 2019. godinu* u decembru 2018. godine.

Tačka 5. Informacija o aktivnostima u Savezu općina i gradova Federacije Bosne i Hercegovine **se briše.**

Obrazloženje:

Predlaže se da se navedena tačka briše, obzirom da u 2018. godini nije bilo značajnijih aktivnosti u Savezu općina i gradova od interesa za Grad Sarajeva. Informacija će biti planirana i za narednu godinu, kada će biti obuhvaćene sve bitnije aktivnosti.

Dodaje se nova tačka, i glasi:

Prijedlog Odluke o uspostavljanju saradnje između Grada Dohe i Grada Sarajeva

Predlagač: Gradonačelnik

Obrađivač: Gradska služba za lokalnu samoupravu i razvoj grada

Rok: januar

Dodaje se nova tačka, i glasi:

Prijedlog Programa međunarodne saradnje Grada Sarajeva za 2018. godinu.

Predlagač: Komisija za međunarodnu saradnju

Obrađivač: Gradska služba za lokalnu samoupravu i razvoj grada

Rok: februar

Poglavljju 17. Druga pitanja od interesa za građane Grada Sarajeva

U tački 4. Prijedlog Odluke o podizanju spomenika Esadu Arnautaliću, mijenja se rok, **i glasi: po prijedlogu Gradonačelnika**

Obrazloženje:

Prijedlog Odluke će biti razmatran na sjednici Gradskog vijeća kada se za to steknu uslovi.

U tački 5. Prijedlog Odluke o podizanju spomenika Dariju Đamonji, mijenja se rok, **i glasi: po prijedlogu Gradonačelnika**

Obrazloženje:

Prijedlog Odluke će biti razmatran na sjednici Gradskog vijeća kada se za to steknu uslovi

U tački 6. Prijedlog Odluke o podizanju spomenika Kemalu Montenu, mijenja se rok, **i glasi: po prijedlogu Gradonačelnika**

Obrazloženje:

Prijedlog Odluke će biti razmatran na sjednici Gradskog vijeća kada se za to steknu uslovi

Tačka 7. Prijedlog Strategije za mlade Grada Sarajeva **se briše.**

Obrazloženje:

Gradska služba za obrazovanje, kulturu, sport i mlade dostavila je informaciju, odnosno obrazloženje za Nacrt Strategije za mlade Grada Sarajeva, zašto navedena tema neće biti razmatrana na junskoj sjednici Gradskog vijeća Grada Sarajeva. U međuvremenu obavljeno je niz konsultacija i razgovora sa mnogim relevantnim subjektima koji se bave pitanjima mladih, te su stvoreni preduslovi za nastavak aktivnosti na izradi Strategije za mlade. Nakon dobivanja saglasnosti Gradska služba za obrazovanje, kulturu, sport i mlade je pokrenula proceduru za izradu Nacrta strategije za mlade Grada Sarajeva. Pribavljena je potrebna saglasnost i krenulo se u proces izrade strategije, potpisan je ugovor sa Institutom za razvoj mladih KULT, u toku je formiranje radne

grupe za izradu strategije, radi se istraživanje koje će biti gotovo do kraja mjeseca oktobra. Nakon što se formira radna grupa i dobiju rezultati istraživanja, pristupit će se izradi dokumenta.

Obzirom na kratak period za realizaciju, odnosno kako iz objektivnih razloga neće moći biti realizovana tema, kako je to već utvrđeno, **predlažemo njeno brisanje iz Programa rada Gradskog vijeća za 2018. godinu.**

U tački 10. Nacrt Odluke o izmjenama i dopunama Odluke o spomenicima od interesa za Grad Sarajevo, mijenja se rok, **i glasi: septembar**

U tački 11. Prijedlog Odluke o izmjenama i dopunama Odluke o spomenicima od interesa za Grad Sarajevo, mijenja se rok, **i glasi: novembar**

U tački 13. Prijedlog Odluke o pristupanju Projektu podizanja spomenika ubijenim građanima Sarajeva 1992.-1995. godina, mijenja se rok, **i glasi: po prijedlogu Gradonačelnika**

Obrazloženje:

Prijedlog Odluke će biti razmatran na sjednici Gradskog vijeća kada se za to steknu uslovi.

Tačka 14. Nacrt Odluke o utvrđivanju Dana osnivanja Grada Sarajeva **se briše.**

Tačka 15. Prijedlog Odluke o utvrđivanju Dana osnivanja Grada Sarajeva **se briše.**

Tačka 16. Prijedlog Odluke o pristupanju projektu obnove fasada i iluminacije objekata od značajne graditeljske vrijednosti u Gradu Sarajevu **se briše.**

Obrazloženje:

Budžetom Grada Sarajeva za 2018.g., planirana su sredstva za obnovu fasada objekata od značajne graditeljske vrijednosti u Grad Sarajevu. Za dio projekata se radi projektna dokumentacija, a dijelom se i izvode radovi na objektima, napr. Olimpijski muzej, te projekat utopljanja objekata u ulici Štrosmajerova ulica 4, 6 i 8. Ugovorena je izrada Glavnih projekata iluminacije fasade Olimpijskog muzeja, Žute tabije, dijela bedema prema Kuli Širokac, kao i iluminacija objekta Višegradska kapije. Shodno navedenom nema potrebe za donošenjem predmetne Odluke.

Dodaje se nova tačka, i glasi:

Informaciju o učincima ulaganja u organizaciju javnog dočeka za prethodne tri nove godine (2018., 2017. i 2016.)

Predlagač: Gradonačelnik

Obradivač: Gradska služba za europske integracije i EU fondove

Rok: mart

Dodaje se nova tačka, i glasi:

Prijedlog Odluke o davanju saglasnosti na Izmjenu i dopunu br. 1. Memoranduma o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo

Predlagač: Gradonačelnik

Obradivač: Gradska služba za europske integracije i EU fondove

Rok: april

Gradonačelnik

mr. Abdulah Skaka s.r.

Dostaviti:

- Naslov

- a/a